

四庫全書

子部

欽定四庫全書

子部

記纂淵海卷二十六

詳校官中書_臣涂日煥

侍讀_臣孫球覆勘

總校官降詔編修_臣倉聖脉

校對官編修_臣吳裕德

謄錄監生_臣蔣厚傳

欽定四庫全書

記纂淵海卷三十五

宋 潘自牧 撰

郡縣部

秦鳳路

秦州

倚邪一 成紀
外縣三 清水

天水 伏羌

郡號天水

郡沿革天水井鬼分野禹貢雍州之域本西戎地周孝王封非子於此秦屬隴西郡漢置天水郡治平襄魏置

秦州晉改漢陽為天水郡治上邽尋廢復置秦州宋齊復為天水郡隋廢郡為秦州大業初復為天水郡唐初復置為秦州天寶初改為天水郡乾元初復為秦州後移治成紀本朝因之

地理沿革表

縣沿革成紀本伏羲氏所生之地漢置縣屬天水郡晉以後皆因之天水唐置縣後廢本朝復置清水本漢舊縣屬天水郡晉屬畧陽郡後魏分畧陽置清水郡尋廢隋屬天水郡唐初置邽州於清水城尋廢州以縣屬秦

州本朝仍舊伏羌本冀戎地秦武公伏冀戎置冀縣東漢于此置漢陽郡晉屬天水郡後魏改當亭縣後周改冀城縣隋改為伏羌縣兼置伏州尋廢州以縣屬秦州

本朝為伏羌縣屬秦州

地理沿革表

形勝麥積山在州東南九十里狀如麥積 岳平山在州西南上有龍王廟關山在清水縣東即龍山也 石鼓山在伏羌縣南山有石鼓不擊自鳴鳴則兵起 大像山在伏羌縣西南上有石佛像寶蓋山在清水縣北

仙泉嶺在州東南其土中常出藥丸色黑相傳服之
可以療病 赤谷在州西南十二里 鐵堂峽在天水
東五里峽有石笋清翠 清水在清水縣境縣因以名
馬跑泉在州東四十里唐尉遲敬德與番將戰士卒罷敬
德馬忽跑出泉 昇仙臺在州西南世傳老子于此昇
仙 瑞應寺在麥積山上隗囂宮在州東北 杜甫草
堂在州東五十里

輿地
紀勝

人物周石作蜀成紀人孔子弟子唐贈石邑伯漢紀信

成紀人項羽圍漢王滎陽信誑楚漢王得脫羽燒殺信
李廣成紀人文帝時擊匈奴以功為散騎常侍武帝時
為北平太守匈奴畏之號飛將軍 隗囂天水人素有
名好經書又謙恭下士名震四州三國姜維天水人仕
昭烈累遷征西將軍封平襄侯唐李白成紀人唐宗室
性倜儻善詩歌才思飄逸天寶初為翰林有詩集三十
卷皇朝尹崇珂天水人為淄州刺史有善政後以功遷
保信軍節度使 劉仲武成紀人資貌雄偉累官東上

閣門使以功累遷瀘川軍節度使 張俊成紀人好騎

射負才氣政和中以討河朔羣寇為都指揮使後以功

累遷太傅封清河郡王

輿地紀勝

集麝香眠石竹鸚鵡啄金桃

杜甫題麥積山

自開茅屋趣只想

竹窓眠歸谷山雲起侵籬澗水懸

同上

晨發赤谷亭艱險

方自茲

杜甫過赤谷詩

峽形藏堂隍壁色立積缺

杜甫

秦州城北

寺勝跡隗囂宮月明垂葉露雲色度溪風

同上

本朝建隆中酋長上波了獻地為伏羌砦屬清水縣熙

寧三年為伏羌城屬秦州

沿革表

路入青松翠靄間斜陽

倒影下溪灣

李師中題
麥積山

重臺猶在碧山層想象真仙為

勉登

蔣之奇題
昇仙臺

清甘一派古祠邊昨日親烹小鳳團却

恨黃陵無品目煩君精鑒為當看

游師雄題
馬跑泉

鳳翔府

倚郭一天興
外縣六

岐山

扶風

郿

寶雞

麟游
普潤

郡號扶風 岐陽

郡沿革天文井鬼分野禹貢雍州之域周為岐周地春

秋戰國為秦地始皇并天下以屬內史漢初更內史名中地郡後復故景帝分屬右內史武帝更曰右扶風與京兆左馮翊為三輔三國魏為扶風郡晉為秦國後魏置平秦郡又于郡東置雍城鎮後改鎮為岐州西魏為岐陽郡隋初為岐州大業初改為扶風郡唐初復為岐州天寶初改扶風郡至德初改鳳翔郡尋改鳳翔府號西京寶應間罷京名屬關內道五代時屬關西道本朝仍為府屬秦鳳路

地理沿革表

縣沿革天興春秋時為故雍秦置雍縣漢屬右扶風唐析置天興縣改省鳳翔屬天興岐山古岐周地漢為雍縣地唐時移治不一本朝屬鳳翔府扶風周為岐陽鎮漢為美陽縣地唐貞觀中改為扶風縣本朝仍舊郿本秦縣漢屬右扶風西魏郿城縣唐改為郿縣屬鳳翔府本朝因之寶雞本秦陳倉縣漢屬右扶風唐至德初因秦文公獲石雞之異改為寶雞縣本朝因之麟遊本漢右扶風之杜陽地隋置鳳棲郡尋因獲白麟更名麟遊

縣唐初廢郡為麟州貞觀初州廢以縣屬鳳翔府本朝

因之普潤本漢漆縣地隋為普潤縣唐并本朝仍舊

同上

形勝岐山在岐山縣東北文王時鳳鳴岐山即此 雍

山在府西北雍水所出故名 梁山在岐山東太王去

邠踰梁山即此 陳倉山在寶雞東南上有石類山雞

晨鳴山頭聲聞三十里 茂陵山在扶風東北林壑秀

美漢末馬超居此 鳴鳳山在麟遊西舊傳常有鳳鳴

其上 周原在岐山東北詩曰周原膠膠即此 青峰

山在寶雞東南峰巒蒼翠故名 龍尾坡在岐山東鄭

畋嘗破巢兵于此 磻溪石在寶雞東南即周太公釣

處 渭河在寶雞縣治 東湖在府治東 魚龍川在府

境 潤德泉在岐山西北相傳時平則流亂則竭 九

成宮在麟遊縣西本隋仁壽宮唐太宗脩以避暑更名

九成宮 石鼻寨在寶雞東諸葛亮所築以拒郝昭

紀勝

人物周周公旦岐山人生有聖德輔成王制禮作樂

召公奭輔武王定天下又輔成王以成聖治 白起鄆

人善用兵秦昭王用為左庶長戰勝攻取後封武安君
漢井丹鄙人通五經善談論隱居不仕當世高之南北
朝蘇孝慈扶風人少沉謹有器局為中侍上士後以功
進位開府爵靈武縣公唐楊炎天興人性至孝父喪廬
墓號慕時切有紫芝白雀之祥詔表其閭唐德宗時拜
相皇朝張載鄙人舉進士為神州司法召為崇文殿校
書同知太常禮院與執政不合告歸居橫渠教人以禮
關西之士翕然宗之所著有東銘西銘正蒙諸書 張

戢載弟篤行不苟為一時師表關中稱為二張

輿地紀勝

集西京無暑氣夏景似清秋江山通蜀國日月近神州

李德新 水落魚龍夜

杜甫題魚龍川詩

蒼山八百里岸斷如杵臼

層宮憑風迴岌業土囊口立神扶棟梁鑿翠開戶牖

其陽產靈芝其陰宿牛斗

題九成宮

關山陵旦開石路無塵

埃重門臨去壑連棟起崇隈

王勃題大散關

本朝乾德初置崇信縣淳化中割崇信屬儀州熙寧五

年廢乾州以好疇縣來隸

沿革表

聞昔周道興翠鳳棲孤

嵐飛鳴飲此水照影弄毵毵 扶風古三輔政事豈汝

諳聊為湖上飲一縱醉後談

並蘇軾題東湖詩

聞道磻溪石猶

存渭水頭蒼崖雖有跡大釣本無鉤 山頭孤月耿猶

在石上寒波曉更喧

並題磻溪石

翠鳳舊依山碑兀清泉長

與世窮通

蘇軾題潤德泉詩

此臺一覽秦川水不待傳經意已

空

題授經臺

隴州

倚郭一外縣三

汧源

吳山

隴安

郡號汧陽

郡沿革天文井鬼分野禹貢雍州之域周為岐隴之地
春秋屬秦國秦并天下屬內史漢為汧縣屬右扶風西
魏改隴州因山為名後周省入岐州尋復置隋省入扶
風郡復置隴東郡唐改汧陽郡後復為隴州治汧源縣
本朝屬鳳翔路

地理沿革表

縣沿革汧源在隴州治東南後魏為汧陰縣隋改曰汧
源唐本朝並為州附郭縣汧陽本漢隃糜縣地屬右扶
風後周置汧陽郡及縣以古汧水之陽故名尋廢郡以

縣屬隴州唐本朝仍舊吳山本漢隃麋縣地後魏置長蛇縣隋改吳山縣唐改華山縣尋復舊本朝因之隴安本唐汧陽縣地本朝置隴安縣

同上

形勝隴山在州西北六十里山高而長其頂有泉吳嶽山在州南比諸山最秀異頂有龍湫小隴山在縣西岩障高峻不通軌轍龍盤山在吳山縣東南為一州之勝西秦山在隴安北內有秦王試劍崖景福山在隴州西北亦名龍門山卧虎山在汧陽東以形

似名 天池溝在汧陽東水流不涸 珍珠泉在汧陽
南泉湧如珠故名汧陽閣在汧陽縣治 隴亭在山旁

八卦亭在州西北有仙人鍾離權洞賓遺跡 苦寒

亭在州西

輿地紀勝

人物周非子汧陽人伯益之後善養馬為孝王主馬于
汧渭之間馬大蕃息秦使叙嬴氏之祀漢郭欽州人哀
帝時為丞相以廉直名唐段秀實汧陽人征討有功累

拜涇原節度使贈太尉

同上

集吳嶽曉光連翠嶽

李善正

我所思兮在漢陽欲往從之

隴坂長

張衡

汧水悠悠去似綈遠山如畫翠眉橫僧尋野

渡歸吳嶽鴈帶斜陽入渭城

韋莊

秦隴無人塞草腥將軍

一去泣空營漢家天子東巡狩行到江南又起兵

隴亭童謠

憶昨遊隴坂高秋視吳嶽

杜甫

本朝熙寧八年改秦州定邊砦為隴西鎮隸縣開寶二

年析汧陽縣四鄉置隴安縣

沿革表

凍雲凝白雪漫漫不

是寒亭分外寒六月大電天不雨請君來此凭闌干

王庶

題苦隴山如碧環缺處蒼崖開當年造物手辦此何神

寒亭
哉劉昂
雷

鳳州

倚郭一
外縣二

梁泉
河池

兩當

郡號河池

郡沿革天文井鬼翼軫分野禹貢梁雍二州之域春秋
時氐羌所居秦為隴西郡地漢為故道河池二縣後魏
于此置梁泉縣西魏改為鳳州隋廢州置河池郡唐
初復鳳州天寶初改河池郡乾元初復為鳳州五代時

蜀置武興軍本朝仍為鳳州

地理沿革表

縣沿革梁泉本氐羌故地秦為隴西郡漢為故道縣後魏置梁泉又更名涼泉尋復為梁泉河池春秋時氐羌所居秦為隴西郡地漢為河池縣屬武都郡晉陷于氐羌後魏置廣化郡及縣隋初郡廢以縣屬鳳州仁壽初復名河池縣本朝因之兩當本漢故道縣地屬武都郡晉陷于氐羌後魏置兩當郡及縣因界內兩當水為名隋廢郡以縣屬鳳州本朝因之

同上

形勝鳳凰山在州東鳳凰嘗棲此 紫栢山在州東南
上有一十七洞異人多隱於此 南岐山在州南上有
竹雲洞內有湫池 君子山在州西南上有靈惠廟
御愛山在州東北唐德宗巡幸至此愛玩故名 豆積
山在州北上有不老泉仙人洞唐張果之隱處一名遜
迹山文子谷唐僖宗幸蜀至此 武休關在州東 馬
嶺關畫眉關大散川黃花川斜谷河鳴玉泉連雲棧橋
并在州境 和尚原在州東即吳玠敗烏珠處 鐵山

在河池縣東南 天門山在河池東南 伶倫山在河

池南 天池山在河池南 青泥山在河池南 木皮

嶺在河池西 銀椿崖在河池東北 金蓮洞在河池西

高數十仞 首陽洞在卧龍山畔 仇池石在天池山

仙人關在河池東 小河關在河池南 嘉陵江在河

池南 忠義水在河池南 驚鷺山在兩當縣東上有

登真洞 董真峪在兩當東南上有真人庵 分水嶺

在兩當縣東 獅子川在兩當縣境

輿地紀勝

人物皇朝文彥博邠州人徵時寓居兩當縣富民卹氏

之家教授生徒 邵雍河南人嘗寓居鳳州

同上

集寒城朝烟積山谷落葉赤陰風千里來吹汝江上宅

杜甫題
吳郁宅

溪從沮水流嵒嶠接青泥入劔天

史

首路栗

亭西尚想鳳凰村南登木皮嶺艱險不易論始知五嶽

外別有他山尊

杜甫題
木皮嶺

山城薄酒不堪飲勸君且吸杯

中月

李太白
鳳州詩

楊柳垂青絲風動入飛蓋

邵堯夫鳳州
飛蓋亭詩

古

時應是山頭水自古流來江路深

元稹題
嘉陵江

借問嘉陵江

水湄東川東去爾西之

薛逢題

鑿崖泄奔湍稱古神禹蹟

韋應物題
嘉陵江

本朝乾德五年降防禦為團練開寶五年移河池治故

鎮至道元年移兩當治唐鄉鎮

沿革表

里數三千七百餘

兩當冬夜宿中途舉朝五往來西蜀還有區區似我無

趙抃赴
益州

猿啼鬼迷店馬噤飛石鋪

陸游過
鳳州

嘯歌山水重

黃庭堅
嘯歌臺

當日蒙塵極險艱正由蒼翠強開顏吾皇高拱

巖廊上只愛生靈不愛山

王素題
御愛山

不是當時經御愛此

山還與衆山同

趙抃題御愛山

豆積更名為遯迹西康麥積合

如何

袁桂題豆積山

我携此石歸袖中有仇池

東坡

鳥去林自空

雲移山不礙塞目烟岑密都城若天外

邵雍登鳳州城詩

階州

倚郭一外縣

福津將利

郡號武都

郡沿革天文井鬼分野禹貢雍州之域戰國時白馬氏

居焉漢武為武都郡魏置武階郡改置武州唐為行州

後復立武州更名曰階州本朝初隸秦鳳路

地理沿革表

縣沿革福津本後魏覆津縣屬武階郡隋屬武州唐改
曰福津本朝因之將利本後魏石門縣西魏改安育後
周又改今名唐武州治于此

形勝石雞山在州東有石雞神廟 盤堤山在州東南

近有盤堤城 鳳凰山在州東南漢世曾有鳳凰棲其

上有鳳凰臺 鹿玉山在州東山下溪中水漱石如玉

故名 仇池山在州西北四面壁立峭絕 醉仙崖在

州南連鳳凰山東 柯谷在州東南唐杜甫姪佐居此

裴公湖在州西南隅唐刺史裴守真所剏 杜甫故

居在州東

輿地紀勝

人物皇朝牛皓福州人仕為川陝宣撫後死節人稱其

忠義 丁燦福州人為入剛直不受私謁累官至大府

少卿嘉定間為利州路安撫使吏民信服

同上

集傳道東柯谷深崖數十家對門藤蓋瓦映竹水穿沙

杜甫題東柯谷

亭亭鳳凰臺北對西康州西伯今寂寞鳳凰臺亦

悠悠

題鳳凰臺

徘徊虎穴上面勢龍泓頭 停騎龍潭雲回

首虎崖石

並題虎穴

彩鳳舒雙翼宛然半巖間

哥舒翰題鳳凰山

萬

古仇池穴潜通小有天

杜甫題仇池山

本朝高倚青冥揖酒星小崖誰作醉仙形從來天地為

衾枕應笑人間有獨醒

魯伯能題醉仙臺

對面好峯橫翠幕繞

城垂柳拂清漣

李師中題裴公湖

玉井響侵獅子洞

游師雄題鹿玉山

萬

丈潭邊萬丈山山根一竇落飛泉玉繩自我題巖石留

作人間美事傳

喻陟題玉繩泉

勢將玉繩齊位據金野窄

游師雄

渭州

倚郭一外縣四

平涼

潘原

安化

崇信

華亭

郡號隴西

郡沿革天文井鬼分野禹貢雍州之域春秋為朝那故地秦屬北地郡漢析置安定郡治高平晉徙治臨涇後魏於潘原縣置武州屬太平郡後周屬原州隋治安定縣又析置平涼郡唐初置原州元和中以原州平涼縣置行渭州後陷于吐蕃中和間復置本朝為涇原路

沿革

縣沿革平涼本漢朝那涇陽二縣地東漢省涇陽入朝那晉因之後魏廢為長城縣地後周復置朝那縣隋改

平涼縣潘原本漢陰盤縣地唐天寶初置潘原縣五代周以武州省入本朝屬渭州安化本春秋戰國義渠戎國秦為北地郡地漢為郁郅縣東漢晉俱廢後魏後周皆為鎮隋置合水縣唐改河州縣天寶初改安化縣又改順化縣本朝復為安化崇信本唐李元諒所築城屯軍名崇信本朝初始置崇信縣屬鳳翔府淳化初改屬儀州後州廢以縣屬渭州華亭本秦隴西郡地後魏始築城置鎮隋置華亭縣唐省入隴州汧渭縣五代唐時

以廢縣屬義州後周復置華亭縣本朝廢州以縣屬渭

州

同上

形勝天壇山在州北 崆峒山在州西上有問道宮黃

帝問道于廣成子即此 筭頭山在崆峒山西 望家

山 斷萬山 五馬山俱在崇信縣西 王母山 義

山 齊山 晶然山 飛鳳山俱在華亭縣境 廣成

子洞彈箏峽在州西風吹流水如彈箏聲 武村水

策底水 臘脂水俱在華亭縣西 巖泉在崆峒山下

琉璃泉在崆峒山上

輿地紀勝

人物漢皇甫規郡人為中郎將討平先零諸種後自以恥不與黨上疏士論重之皇甫嵩規兄子少有文武志以破黃巾功拜太尉三國皇甫謐嵩曾孫博綜典籍時號為玄晏先生晉皇甫重州人性沉果有才用為司空張華所知仕至新平太守皇朝郭執中華亭人累官樞密承旨言事切直不阿後以功累遷新安郡王

同上

集涼州四邊沙浩浩漢家無人開舊道

王仲初

萬戶樓臺

臨渭水五陵花柳滿秦川 雙雙攜彈來金市兩兩鳴

鞭上渭橋

並崔顥

鬪雞過渭水走馬向關東

盧升之

晨過彈

箏峽馬足凌兢行雙壁隱靈曜莫能知晦明

儲光義

河流

空積石山路繞崆峒君恩如可報龍劍有雌雄

同上

本朝政和七年陞為節度舊置涇原路經畧安撫使統

儀州等四州熙寧五年廢儀州元祐元年增置西安州

崇寧三年又以熙河路舍州來屬大觀三年又增置懷

德軍

沿革表

崆峒一何高崛起乾坤闢峻極倚杳冥崢嶸

亘今昔

游師雄
崆峒詩

并頭舊傳名關塞曾控扼

同復聞廣成

子不為外慮役至今洞猶存峭壁宛遺跡

同西巖水泓

澄泓如緣罅隙

游師雄

涇州

倚郭一
外縣三

保定
靈臺

良原
長武

郡號安定

郡沿革天文井鬼分野禹貢雍州之域秦屬北地郡漢
晉皆屬安定郡後魏始置涇州取涇水為名隋大業初
改安定郡安定縣唐復為涇州改縣為保定縣天寶初

改州為安定郡後復為涇州本朝改彰化軍

地理沿革表

縣沿革保定本漢安定縣東漢省後魏置涇州縣唐改

保定縣本朝因之靈臺古密須之國漢為北地即鶉觚

縣地隋析置靈臺縣取文王作靈臺之意後省入鶉觚

唐復置本朝仍舊良原隋置屬安定郡唐本朝俱屬涇

州長武本烏氏國地本朝范仲淹奏差宋良等部領番

漢軍馬往涇州長武寨把隘即此

同上

形勝筆峰山在州南樹林陰密 回中山在州西上有

王母宮漢武帝求神仙於此 蒼山在靈臺縣東南林

木蒼翠 保巖山在靈臺縣東南三十里山勢峭拔回

旋百折 共池在州北詩侵阮徂共即此 翠屏山在

平涼縣南一里上有石如珠一名垂珠峰

輿地紀勝

人物漢梁統州人性剛毅精法制更始召拜酒泉太守

封陵鄉侯南北朝鄧彥海安定人性真潔博覽羣書長於易武

定中擢為尚書唐牛仙客靈臺縣人初為縣小吏後以

功遷洮州司馬累遷工部尚書 牛僧孺靈臺人性鯁

直不阿初為監察御史後累官弘文館大學士皇朝劉
惟輔州人以同州觀察使為熙河副總管後死節贈昭

化節度使號忠烈

同上

集雪下陽關路人稀隴戍頭白草三冬色黃雲萬里秋

耿津過
涇州

九光飛鞞志何遙千載靈蹤隔絳霄漢殿杳沉

青鳥信崑丘誰聽白雲謠

崔立題王
母宮詩

林巒尚鎖空臺館

城邑全非舊市朝

同上

遮虜黃雲斷燒羌白草空朔野長

城閉河源舊路通

戎昱涇州觀
元戎出師

本朝太平興國元年改彰化軍節度咸平四年陞長武寨為長武縣五年省為砦屬保定縣大觀三年復以砦為

縣

沿革表

最高翠屏山舉手星可摘珠石信團圍羣峯森

劒戟

游師雄題翠屏山

相傳雷雨收片片歸雲白

題青龍洞

此去陟

參雲危棧愈踧踖會景亦可喜周顧忘倦罷

同上

原州

倚郭一外縣一

臨涇彭陽

郡號平涼

郡沿革天文井鬼分野禹貢雍州之域本秦北地郡地

漢為安定郡之高平縣東漢永初間廢後魏置高平鎮
後為太平郡兼置原州隋初廢郡州如故大業間廢州
為高平郡唐初為原州後改平涼郡乾元初復原州本

朝置鎮戎軍

地理沿革表

縣沿革臨涇本漢縣晉安定郡治此唐屬涇州本朝屬
原州彭陽本漢舊縣屬安定郡後魏屬原州隋廢唐置
義豐縣本朝復曰彭陽

同上

形勝潛夫山在州北東漢王符隱此 玉山在州東山

多白石陰雨之夜明艷如玉 雉頭山在州西狀如雉

頭 金佛峽在州東上有金粧佛 和戎原在臨涇縣

南 蒲水在州北 三水在州東北水流三派會歸一

川 蕭關在州西北漢文帝時匈奴入蕭關即此 石

橋在州玉山之下有巨石橫亘名仙人石橋俗呼為仙

人著碁臺

輿地紀勝

人物三國胡奮臨涇人從司馬懿伐遼東以功封夏陽

子累遷散騎常侍南北朝胡國珍臨涇人少好學雅尚

清儉太和中襲父爵為武始侯後封安定郡公 席闕

文臨涇人幼孤貧涉獵書史仕南齊為雍州刺史有能
名冬至悉放獄中囚依期而至後封湘西侯皇朝胡順
之州人舉進士嘗上書宰相乞太后還政仁宗嘉其忠
遷尚書范仲淹愛其才

同上

集夫戍蕭關妾在吳西風吹妾妾憂夫一行書信千行
淚寒到君邊衣到無

唐人詩

出得蕭關北儒衣不稱身

張象

文過蕭關旋聞受降日歌舞入蕭關

朱延清

本朝太平興國初改義豐為彭陽至道三年自寧州來

隸

沿革表

來觀金佛峽如入玉門關

王素

石橋跨兩岫野叟

嘗遠蹠旁有枰碁處云是神仙奕

游師雄野石橋

熙州 倚郭一 狄道

郡號臨洮

郡沿革天文井鬼分野禹貢雍州之域春秋戰國西羌所居秦置隴西郡漢因之晉析置狄道郡劉宋置武始郡後魏置臨洮郡後周廢隋復置後改金城郡唐天寶

初置臨川寶應初陷于吐蕃號武勝軍本朝為鎮洮軍

尋改熙州

地理沿革表

縣沿革狄道本漢置縣為隴西郡治晉屬狄道郡後魏

至隋縣不改唐析置臨川縣屬蘭州又別置安樂縣後

廢本朝始置狄道縣

同上

形勝嶽麓山在州東 西平山在州西 寶鼎山在州

西 卧龍山 抹邦山 碧井山 幞頭山 蓮花山

常家山 黎紫山 馬寒山 黑石山 西傾山

崆峒山俱在州境 麝香坡在州西南 洮河 東崆

河 三岔河 抹邦河 打壁河 結河 邦金川

玉潤泉 石井泉 三岔關 打壁峪關 八角關

十八盤關 分水嶺關 摩雲嶺關俱在州境 壽亭

侯廟在州東 長城在州北 鳴鶴城 三足城俱在

州界吐蕃所築

輿地紀勝

人物漢辛慶忌狄道人舉茂才為郎中遷車騎將軍其父武賢為酒泉太守人皆以為虎臣朝廷重之晉辛勉

狄道人博學有清操為侍中洛陽陷時劉聰欲以為光祿大夫固辭又賜酒米不受 辛恭靖狄道人為河南太守姚興寇城固守百餘日後城陷厲色不屈安帝嘉獎立請為咨議叅軍 辛謚狄道人為散騎常侍長安陷劉聰拜官不受後不食而卒 李舍狄道人舉孝廉官至都督南北朝辛淵狄道人為驍騎將軍以義烈見稱兄弟祖孫相繼皆博雅有義聲唐李襲譽狄道人通敏有識度皇朝王淵州人善騎射破諸羌有功又輕財

好義累加少保謚襄愍高子孺狄道人知蘭州金人

陷蘭州罵寇不屈而死

詳見蘭州名宦

集玉關西路出臨洮風卷邊塵入馬毛寺寺院中無竹

柳家家壁上有弓刀惟憐戰士垂金甲未許遊人著白

袍深巷獨吟秋色裏平原一望戍樓高

王維望熙州詩

莽莽萬

重山孤城山谷間無風雲出塞不夜月臨關

杜甫題馬熙州

蹄穿欲盡貂裘故轉寒層冰橫九折積石凌七盤

盧果題

分水
嶺

本朝熙寧五年收復武勝軍改為熙州初置熙州路安撫使統五州後謂蘭州改為蘭會元祐改熙河蘭會路為熙河蘭岷路元符復故會州既割屬涇原又改為熙河蘭廓路宣和又改熙河湟廓路又改湟州為樂州又改為熙河蘭樂路尋復改為熙河蘭廓路

沿革表

秦王築

城何太愚天實亡秦非北胡一朝禍起蕭牆內渭水咸

陽不復都

王翰古長城吟

帝家將軍勇無敵謀如轉圜心匪席

精城動天天不格鑿空借籌皆碩畫

劉貢父熙州行

豈知洮河

宜種稻此去涼州皆白麥女桑被野水泉甘吳兒力耕
秦婦織 熙州歡娛軍事息天王聖明丞相直並同上

河州 倚郭一 寧河

郡號安鄉

郡沿革天文井鬼分野禹貢雍州之域秦屬隴西郡漢
為大夏枹罕二縣地屬隴西金城二郡晉屬晉興郡符
秦始置河州隋改為枹罕郡唐復為河州天寶初改為

安昌郡本朝復為河州安鄉郡

地理沿革表

縣沿革寧河本寧河寨本朝崇寧中陞為縣

同上

形勝積石山在河西北二十里禹貢導河積石至于龍門即此 雪山在州西南一百五十里四時有雪山之石如骨露 鳳凰山在州東形如鳳凰古號河州為鳳林郡者因此 黃河上渡在積石路

輿地紀勝

人物南北朝念賢河州人少有大志嗜學魏永熙間官至都督秦河二州刺史進爵安定郡公

同上

本朝熙寧六年收復安鄉為河州熙寧八年置袍罕縣九

年省崇寧四年陞寧河砦為縣

沿革表

華夷分壤處雪崩

白嵯峨萬古消難盡三秋積又多寒光欺夏日素彩

燦天河自笑經過客相看鬢易皤

並游師雄題雪山

鞏州

倚郭一隴西外縣一寧遠

郡號隴西天水漢陽

郡沿革天文井鬼分野禹貢雍州之域春秋戰國時為

羌戎所居秦屬隴西郡漢為天水郡東漢為漢陽郡及

隴西郡地魏為隴西南安二郡後魏為隴西南安安

陽三郡兼置渭州隋廢南安郡復置隴西郡唐武德元

年置渭州天寶元年改隴西郡本朝改鞏州

地理沿革表

縣沿革隴西本漢之天水郡地唐為隴西縣本朝立古

渭寨元祐中復置隴西縣寧遠本唐隴西縣地本朝置

寧遠寨崇寧中陞為縣

同上

形勝仁壽山在州城南馬鹿山在州南四圍崖甚險

西山在州西廣漢水所出廣吳山在寧遠縣西有

廣吳堡故城在焉石門山在寧遠縣東北斗山在

寧遠縣南 渭水在州城北 六泉在州東南乞伏國

仁率騎兵襲鮮卑三部于六泉即此

輿地紀勝

人物漢龐德隴西人初平中從馬騰擊反羌有功累官
中郎將封都亭侯南北朝李叔仁隴西人驍健有武力
仕魏征討有功遷揚州刺史封陳郡公官終大都督唐
李揆隴西人性警敏善文章乾元中進禮部侍郎同平
章事善奏對帝曰卿門地人物文章當世第一時稱三
絕 李中敏隴西人舉進士性剛峭與杜牧李甘善善

文辭太和中旱中敏上疏陳時政得失文宗嘉納之皇

朝王君萬寧遠人以殿中侍為秦鳳指揮使積功擢熙

河路鈐轄累官副總管

同上

集隴西將軍號都護樓蘭校尉稱嫫姚

王褒

回風吹雨渭

城西細草新花踏作泥

岑參

借問隴西行何當驅馬征草

合前迷路雲濃後暗城

庾慎之

漢國臨清渭京城枕蜀河

望極關山遠秋深烟霧多

楊炯

隴陂常無極蒼山望不窮

花開綠野霧鶯轉紫岩風

盧果之

本朝熙寧五年以秦州古渭砦為軍崇寧三年陞為州

元祐五年增置隴西縣崇寧三年陞永寧砦為縣又陞

寧遠砦為縣

沿革表

秋色滿秦川登臨渭水邊極浦涵秋

月孤帆沒遠烟

潘闌

隴雲連塞起渭水入關流

梅聖俞

渭水

秋天白驪山晚照紅霜雪滿歸鬢乾坤猶轉蓬

刀晉卿

岷州

倚郭一外縣二

祐川大澤

長道

郡號和政西和

郡沿革天文井鬼分野禹貢雍州之域周為西羌地秦

為臨洮縣蒙恬築長城始于此西漢魏晉俱因之西魏始置岷州以南有岷山故名隋以其地置臨洮縣義寧二年復置岷州唐仍為岷州和政郡後陷于吐蕃本朝

收復置岷州

地理沿革表

縣沿革祐川本西魏湟樂縣地後周置基城縣唐改為祐川後沒于吐蕃本朝改為大潭長道本後魏上祿縣地隋改為長道唐天寶末廢後復置本朝屬岷州

同上

形勝岷山在州北洮水經其下夏禹見長人受黑玉書

于此 遮陽山在州東 板寧山 貴清山 人投山

俱在州東 金童山 樺林山 露骨山 崆峒山

冷落山 分水嶺 闊博山 氍毹嶺 摩雲嶺俱在

州境 賢隱山舊有三閣姚大師讀書于此 仙人崖

九天聖母石洞 宣澤大王石洞 黑水龍王石洞

八龍神王石洞俱在州境 芸叟洞下有溪張舜民嘗遊

此 良恭河 臨江河 布衫川 平泉 金紫池俱

在州境 珍珠池歲旱禱雨有應 千丈潭在遮陽山下

人物皇朝馬堃州人一家父叔兄弟皆以忠勇為名將
堃以六郡鎮撫使守咸淳府元將楊文安與堃同里諭
使降元堃不從文安乃列柵攻城潛遣勇士躡雲梯宵
登斬關納外兵堃悉力向戰死之 馬堃弟撫諸蠻

治關隘皆有條理邇陞晏然後留靜江元將隅里海牙

以兵夾攻三月使人招降不屈後城破堃率死士向戰

被執殺之斷其首猶握拳大奮起立踰時方仆

並輿地紀勝

集重巖既下激峻嶺亦上千隴頭聞戍鼓嶺外咽飛湍

瑟瑟松風急蒼蒼山月團

盧呆題分水嶺

塞雲多斷續邊日少

光輝警急烽常報傳聞檄屢飛

杜甫

已喜皇威清海岱還

期仙杖過崆峒

同上

伯夷竄首陽老聃伏柱史放神青雲

外絕迹窮山裏

王康居題賢隱山詩

凝霜凋朱顏寒泉傷玉趾歸

來安所期與物齊終始

同上

雄叔意同芸叟觀

王資題千丈潭

本朝熙寧六年復和政軍為州崇寧三年復唐縣為祐

川建隆三年合良恭大潭兩鎮置縣隸秦州熙寧七年

自秦州來隸又以長道縣自秦州來隸

沿革表

樓外青山半

夕陽寒鴉翻墨點林霜平河細草三千里一笛西風人

斷腸

邢昺夫過岷州詩

一江白浪摩雲嶺萬樹青松間井河常

子枕眠高卧處月明人唱定羌歌

同上

河湟形勝壓西陲

忽覺連營列漢旗天子坐籌星兩兩將軍解佩印纍纍

王禹玉和蔡樞密恢復洮岷

蘭州倚郭一蘭泉

郡號金城

郡沿革天文井鬼分野禹貢雍州之域秦為隴西郡地

漢置金城郡東漢省入隴西郡隋初廢郡為蘭州大業

初廢州置金城郡唐復置蘭州天寶初改金城郡乾元

初復為蘭州本朝置蘭泉縣

地理沿革表

縣沿革蘭泉本在西羗地隋置五泉縣本朝崇寧間始

置蘭泉縣為蘭州治

同上

形勝蘭臯山在州南乃州之望山也

柳溝山在州東

南有溝亦名柳溝

白石山在州東南以山多白石故

名九州臺山在州南其形峭拔直上如臺登之可以

望遠 摩雲嶺在州南其高峻入雲中故名 東岡坡
在蘭泉縣東二十五里相傳唐太宗獲褚亮于此 金
城關在州北二里黃河北岸 黃河在州北五里 阿
干河在州西 神泉在州西俗呼為獅跑泉水深莫測
遇旱禱雨多應 萬眼泉在州東北泉湧甚多可資灌

溉

輿地
紀勝

人物唐辛雲京州人有膽決以擒生斬馘常冠諸軍積
功授開府儀同三司右僕射同平章事 渾釋之州人

有才武世為本州都督從朔方軍戰功居多累遷開府
儀同三司封寧朔郡王 渾瑊釋之子年十一善騎射
後勇冠三軍從郭子儀復兩京積功官至檢校尚書右
僕射同平章事

同上

集莫把阿膠向北傾此中天意固難明解通銀漢應須
曲纔出崑崙便不清

羅隱題
黃河

三年南涉河源水西出崑

崙萬里餘

同上

金城關上晚徘徊一笑凭欄望眼開丹硤

重重抱地險黃河滾滾自天來

潘若水

金城宮闕聳崑崙

形勢由來勝虎牢一水自天歸大海兩山從地插層霄

李
文

本朝元豐四年收復金城軍為州崇寧三年置蘭泉為

倚郭

沿革表

金城關上望皋蘭嶺勢根磐復遶環

王欽臣

石

磴盤雲到上頭風高五月已驚秋

李文題皋蘭山

金城天險控

邊關有客憑高落照間粉堞鴉啼風滿樹碧潭魚躍水

平灘

丁晉

戍樓築向石巖間俯瞰河流九曲灣人自玉門

來上國地從紫塞設重關

黃諫

記纂淵海卷二十五

欽定四庫全書

記纂淵海卷二十六

宋 潘自牧 撰

職官部

三公

經節彼南山維石巖巖赫赫師尹民具爾瞻

詩

茲惟三

公論道經邦變理陰陽官不必備惟其人

書

春秋漢舍

莘曰舉三公象五岳

史漢丙吉出逢牛喘吉問牛行幾里或以譏吉吉曰方

春少陽用事恐有所傷害三公典調和陰陽職當憂

漢書

成帝時何武建言國之輔佐必得賢聖然猶天之三光

備三公官各有分職宜建三公官

百官志

汲黯責弘位三

公俸祿甚多然為布被此詐也上問弘弘謝曰有之夫

以三公為布被誠飾詐以釣名

漢書

蕭望之言三公任非

其人則三光為之不明今歲首日月失光咎在臣等

漢書

晉諸葛恢為臨沂令名亞王導庾亮謂曰明府當作黑

頭三公

北史

晉王戎雖位總鼎司而委事僚寮間乘小馬

從便門而出遊見者不知為三公也

本史

三公叅議國家

之大事置府僚

隋百官志

三公佐天子平邦國理陰陽無所

不統

唐百官志

傳記三公崇號為上公東漢以後常曰上公

初學記

其後

或置或廢大抵無所統職至後魏特稱三師以正其名

正一品然非道德崇重不居其位無其人則闕之

六典

三

公無官有人然後充之舜於堯伊尹之於湯周公召公

之於周是也

同上

周成王立三公而六官不必備惟其人

以書傳考之皆兼領六卿未嘗特置也

同

三公之任鼎

足承君不有建明固守無以居位

馬官傳

漢哀平間始尊

師傅之位雖明天子必有所師法

六典

荀爽為三公食不

過一肉惟脫粟飯

荀悅漢記

安帝朝陳忠上疏曰三公稱曰

冢宰王者改容而禮在輿為下御坐為起入則參對而

議政事出則監察而量是非

陳忠傳

楊震明經博覽不應

州郡禮辟後有鵲雀銜三鱸魚墜堂下都講取魚進曰

蛇鱸卿大夫服之象也數三法三台也先生自此升矣

後位三公

本傳

丁固夢松生其腹上謂人曰松字十八公

也後十八歲吾其為公乎卒如夢焉

吳嗣主傳

集道協陶鈞力恩回日月光一言歸社稷九命備圭璋

楊巨源詩

五雲多處是三台

杜詩

明君越義軒元老坐三台

李白

詩一為公與相潭潭府中居

韓集

公望冠巖廊

楊巨源詩

鐘鼎

勲庸大

同上

天設三光以昭明天子立三公以明理故公

卿者四海之表儀神化之丹青

鹽鐵論

本朝政和二年詔曰太師太傅太保此古三公之官為

宰相之任今為三師然古無三師之稱合依三代為三公官不必備惟其人為宰相之任若除三公即為宰相靖康末詔依元豐故事以僕射為宰相三公止為階官不復與三省之政焉

職器

昔師尚父秉旄仗鉞猶未告老

此諸葛元遜所以屈張昭素也而衛武公百年猶歲儆于國曰無以我老耄而舍我此左史倚相所以誨申公

也

東坡文集

義重股肱望隆堂陛與廉遠則堂陛峻股肱逸

則元首安

同上

寵辭上宰歸榮故鄉兼兩鎮之節旄備三

公之典策

王安石上
韓魏公書

太師

經太師維垣

詩大雅

維師尚父時維鷹揚

詩大雅

天子禮樂

是經學業不祛凡是之屬太師訓禮

禮記

尹氏太師維周

之氏秉國之均四方是維天子是毗俾民不迷

詩節南山

史元帝即位蕭望之周堪本以師傅見尊重後詔御史

國之將興尊師而重傳前將軍蕭望之傳朕八年道以

經術厥功茂焉其賜爵關內侯給事中

蕭望之傳

首三公之

職太師居上

宋百官志

隋高祖受禪李穆來朝高祖降坐禮

之拜太師贊拜不名子孫雖襁褓悉拜儀同一門執象

笏者百餘人貴盛當時無比

隋書

顏真卿德宗立拜太師

立朝正色剛而有禮贊云晚節偃蹇為姦臣所擠毅然

之氣折而不阻可謂忠矣

唐書

裴度拜太師平章事事四

朝以全德始終及歿天下莫不思其風烈

同上

傳記文王得尚父于磻溪以為師

史記

太師孔光道術通

明宜居四輔職導帝躬

職畧

太師金章紫綬位上太傅

通典

唐置太師以師範一人儀刑四海

分記

馮道為太師以舊

德自處然當世之士無賢愚皆仰道為元老而喜為之

稱譽

本傳

集文武成功後居為百辟師

韓集

善教邈無跡其流在民

心君看魯太師廟食猶至今

韓集

冠三公之首為四逸之

儀

白樂天

周寵元勲任先呂尚漢崇碩德選在孔光

同上

本朝國初之制以太師太保太傅為三師

職畧

淳化二年

遣右正言張康齋太師趙普生辰器幣鞍馬就西京賜

之故事非同平章無生辰國信之例上以普勲舊故特

異其禮

會要

文彥博有赴闕司馬公言若令以正太師平

章軍國政事亦足以尊老成矣遂詔一月兩赴經筵六

日一入朝至都堂商量事

事

器深宏達業茂經綸弛張

文武之才出入將相之任

歐陽公回
文太師啟

太傅

經天子不惠于庶人不信于諸侯不戒于戎事凡是之
屬太傅之任去太師審父子君臣之道以示之少師奉

世子以觀太傅之德而審喻之太傅在前

禮記

史後漢胡廣字伯始為太傅年八十四練達事體明解

朝章雖無蹇直之風屢有補闕之益

漢史

明帝以鄧禹元

功拜為太傅進見東向甚見尊寵

同上

和帝即位幼弱以

鄧彪有高名海內歸仁召為太傅百官總已以聽之恩

寵之隆莫與為比

通鑑

後漢張禹拜太傅錄尚書事劉蒼

以殤帝幼育欲令重臣居禁內乃詔禹舍宮中給帷帳

牀褥太官朝夕進食五日歸府每贊與三公絕席

同上

鍾

繇為太傅明帝曰三公者一代之偉人也兼華歆王朗

而言

親志

後魏淮陽王欣大統中為太傅文帝謂欣曰王

欣為太傅再為太師自古人臣未聞有此例欣遜謝而

已

親志

傳記後漢有太傅上公一人掌以善道無常職

通典

世祖

即位卓茂以德行見拔時年七十餘拜太傅賜几杖

卓茂

傳

周成王即位周公畢公並為太傅

史記

晉悼公知士貞

子之師博聞宣惠于教也使為太傅

國語

靈帝朝以陳蕃

為太傅與胡廣叅錄尚書事陳蕃志欲芟夷閹宦以清

本朝

陳蕃傳

達奚武拜太傅賤時好華飾及居重位不理

威儀行常單馬門不施戟常畫揜一扇或謂武曰公位冠羣后功蓋一代出入儀衛不稱具瞻何輕率若是武

曰且天下未平國恩未報安事威儀乎言者慙而退

本傳

集吾愛白樂天逸才生自然誰謂辭翰器乃是經濟賢

皮日休白太傅詩

賢相謝世運壯圖因事止高揖七州外拂衣

五湖裏

謝靈運述祖德詩

負孺子之圖飾綠鶴之鼎軍威重于

護將國禮貴于塞門

陳沈炯為太傅表

不以九族回心意不以

百代負國家所期陛下與北極同尊朝廷與南山等固

同上

本朝紹興十一年少師樞密使濟國公張浚除太傅進

封廣國公

係年錄

張士遜上章請老就拜太傅進封鄧國

公致仕宰相謝事自士遜始也就第十年而薨壽八十士

遜歸老號退傅啟國于鄧范仲淹適守鄧州士遜還鄉

仲淹置酒高會明日士遜復置會揮金甚盛時人榮之

東都事畧

增其帝傅之崇

歐陽公行
李昭亮制

太保

經王躬是保

詩
民

太保乃作旅獒用訓于王

書

史周成王時召公為太保

漢平帝元始元年始置太

保光武中興時省

漢書

魏置太保以鄭冲為之位在三司

之上

魏志

王祥拜太保詔曰耆艾元老高行清粹朕所倚

毗以崇道弘化

王隱書

晉汝南王亮為錄尚書與太保衛

瓘對掌朝政

晉志

晉詔太保何曾曰翼贊先皇光濟帝業

同上

傳記太保所以訓護人主導以德義者也

通典

太保古官

商太甲時伊尹為太保漢平帝用王莽為之晉武初以

王祥為太保進爵為公加置七官職

通典

孔緯進兼太保

時天武都頭李順節疏暴人也以浙西節度使兼平章

事臺吏白已謝當班見百官緯判止之明日順節盛服

至則無班怏怏去它日見緯以為言緯曰固疑公見望

也且百辟卿士天子廷臣班見宰相以宰相為之長公

提天武健兒據堂授禮安平子欲用之去都頭乃可順

節慙縮不敢言

列傳

天寶以前唯以其官贈竇季謀一人

而已

通典

集詔出未央宮登壇拜總戎上公周保傳輔相漢司空

岑參送

李太保

司勳宰其鴻烈典冊備其徽章山甫式列羣之

功紀績廟器莊叔匡成獻之難昭德彞鼎

太保吳武公碑

危勁

之節貫四序而愈秀堅真之操經百鍊而無銷珠角應

期山庭表德出忠入孝自家刑國人物冠冕彞章表則

任屬屯警官聯樞侍行部六條議班三史

尉遲
網銘

本朝天禧元年司徒平章事王旦王元巖同日降制加

太保

會要

熙寧元年潞國公文彥博守太保兼侍中再任

彥博辭太保止受所加封再任從之

同上

紹興十年少保

萬壽觀使兼三鎮節度使劉光世除太保

同上

俾陞帝保

秩乃冠千公卿

李漢行
鄭紳制

眷言公保宣力維多

宣和除
董貫制

明

公身為天下大老誠有憂國之心不當俯及細務願以

此意為上一言使幽險之情得以上達則天下之言皆

明公之言而明目達聰感召和氣皆明公之功矣

朱文公答

史太保書

太尉

史太尉秦官漢因之金印紫綬掌武事高祖曰周勃重

厚少文安劉必勃可令為太尉後以左袒安劉漢史冲帝

詔曰李固忠直不撓有史魚風其以固為太尉

傳記後漢張顥見一鵲墜地化為石椎破得金印曰忠

孝侯印顥奏聞藏之祕府後至太尉

博物志

唐置太尉為

武階之首

職畧

景帝置太尉尊與丞相等

通典

集天官冢宰庶僚之率師錫有帝命虞作尉爰叶台極

爰平國域

崔駰太尉識

天監有漢誕生元輔代作三事勲在

王府

楊太尉碑銘

本朝循歷代之制以太尉與司徒司空並為三公政和

時罷之復周制以太師太傅太保為三公少師少傅少

保為三孤以太尉太秦主兵官定為武階之首正一品

在節度使之上居執政之次

司徒

經司徒掌建邦土地之圖人民之數周知九州地域

周禮

帝曰契女作司徒敬敷五教在寬掌邦教敷五典擾兆

民書乃詔司徒俾立室家

詩綿

史漢光武拜鄧禹為司徒策曰禹與朕謀謨帷幄決勝

千里今授印綬封鄧侯

漢史

袁安為司徒每朝會憂念王

室未嘗不流涕

同上

杜洗兵馬行司徒清鑒懸明鏡指李

光弼也

詩話

傳記堯時舜為司徒舜攝帝位命禹為司徒秦置丞相
省司徒漢初因之後漢大司徒主徒衆教以禮義凡國
有大疑大事與太尉同六典魏華歆為司徒家無儋石之
儲詔曰司徒國之雋老今大官重膳而司徒蔬食甚無
謂也特賜歆及妻男等衣服本傳

集天監在下仁德是興乃立司徒治茲黎蒸人具爾瞻
四方是維乾乾夕惕靡怠靡違司徒職敬敷五教九德咸

事嗇人用章黔甦是富

同上

本朝宋置司徒金章紫綬進賢三梁冠佩山玄玉掌治
民事郊祀則省牲視滌濯大喪安梓宮凡四方功課歲
盡則奏其殿最而行賞罰亦與丞相並置通考宋宰相呂
夷簡詔特守司徒三表懇讓上令錄詔書頒天下知朝
廷有退讓之臣國史

司空

經掌邦土居四民時地利 舜命禹作司空曰汝平水土

惟時懋哉書乃召司空詩

史少昊氏以烏名官鳴鳩氏司空也

史後漢牟融為司徒數有忠言章帝策曰司徒典職六

年特加太尉

漢史

徐邈為司空嘆曰三公論道之官無其

人則缺安以老病參之固辭不拜及沒後制賜故司空

邈穀二千石錢四十萬

本傳

房玄齡進司空仍總朝政固

辭帝遣使詔曰遜誠美德也然國家相眷賴久一日去

良弼如亡左右手顧公筋力未衰勿多辭王思禮代李

光弼為河洛節度副使從平祿山守東京上元元年加

司空自武德以來三公不居宰輔惟思禮而已長孫無
忌進司空知門下尚書省平章軍國重事高士廉口陳
以外戚位三公嫌議者謂天子以私后家帝曰朕任官
必以才不者雖親若襄邑王神符不妄授若才雖仇如
魏徵不棄也詔曰五帝後夏禹得咎繇為三王祖齊威
得管仲為五伯長朕得公遂定天下公其勿遜列傳天寶

十三載冊拜楊國忠為司空其日雨止

通典

集當歸馬之朝奉鳴鳩之職

蘇集

分制五服劃為萬國乃

立司空厥惟是職

司空
職

本朝宋制進賢三梁冠佩山玄玉掌治水土祠祀掌掃
除樂器大喪掌將校復土歷代皆有之至後周為冬官

謂之大司空

通考

風力肅明器質恢傑

除文彥博
守司空制

掌平土

之司升文昌之任

除呂公著
守司空制

大司馬

史漢初不置武帝元狩四年初罷太尉置大司馬以冠
將軍之號霍光以大司馬大將軍輔政武帝又令大將

軍驃騎將軍皆有大司馬之號 宣帝地節三年置大
司馬不冠將軍亦無印綬官屬 成帝綏和元年初賜
大司馬金印紫綬置官屬祿比丞相去將軍 哀帝建
平二年復去大司馬印綬官屬冠軍如故元壽二年復
賜大司馬印綬置官屬去將軍位在司徒上始置時議
者以漢有軍候千人司馬官故加大王莽居攝以漢乃
無小司徒而定司馬司空之號並加大 後漢光武建
武二十七年省大司馬以太尉代之故常與太尉迭置

不並列至靈帝末始置焉 魏文帝黃初二年復置大

司馬以曹仁居之而太尉如故則太尉大司馬大將軍

各自為官位在三司上 武冠絳朝服金章紫綬佩山

玄玉與大將軍同

並通考

本朝唯元嘉中用彭城王義康為之冠玉與晉同

國史

少師

經貳公弘化寅亮天地弼予一人

書

傳記天子燕業及其學左右之習詭其師荅諸侯遇大

臣不知文雅之詞法語之道簡文小誦不博習此少師

之責

漢百官志

本朝紹興九年以節度使韓世忠除少師十年少傅節度使張浚除少師二十八年少傅節度使楊存中除少

師孝宗即位九月少傅四川宣撫使吳玠除少師

會要隆

興二年授特進尚書右僕射兼樞密使張浚可罷右僕

射特進少師保信軍節度使判福州以浚自劾求去故

也

同上

極貳公之位叙

政和除童貫制

少傅

史天子居處出入不以禮衣冠冠帶不以制御器列側不以度采服從好不以章忽悅不以義予奪不以節此

少傅之責也

百官志

高祖欲易太子張良為畫計曰上所

不能致者四人今能卑詞厚禮請以為客時從入朝亦

一助也及黥布反良說上以太子監關中兵上謂子房

雖疾彊令傅太子以良行少傅事及破布歸上欲易太

子及晏置酒太子侍四人者從上怪問之四人各言姓

名帝大驚曰煩公卒調護太子太子竟不易者皆良招

四皓力也

本傳

本朝紹興六年節度使張浚除少傅紹興三十二年孝

宗即位張浚封魏國公浚以樞密使授都督江淮軍馬

入朝奏事繼有是命 玄袞赤舄進次傳之崇名

除錢景錡

制

少保

史天子居處燕私安而易樂而耽飲食不時醉飽不節

寢起早晏無常玩好器弄無制此少保之責也

百官志

本朝紹興元年少保右僕射呂頤浩罷少保除特進先是頤浩言少保之官自陛下臨御未嘗輕授望追寢成命除一階官故有是詔至七年三月自鎮南軍節度使開府儀同三司充浙西安撫制置大使兼知臨安府始除少保

會要

紹興九年六月武勝定國軍節度使岳飛除

少保

同上

左右丞相

經允釐百工庶績咸熙帝曰疇咨若時登庸書實惟阿

衡實左右商王詩爰立作相置諸王左右書若濟巨

川用汝作舟楫若歲大旱用汝作霖雨上同袞職有闕惟

仲山甫補之詩帝曰臣作朕股肱耳目書元首明哉股

肱良哉庶事康哉上同

史黃帝得六相而天下治舜命宅百揆成湯始置二相

以伊尹為右相仲虺為左相周成王時召公為保周公

為師相成王為左右周公位冢宰正百工又作六典冢

宰相掌邦治統百官均四海史漢高帝即位置丞相孝惠
高后置左右丞相魏黃初元年改為司徒後復置又有
相國晉罷丞相唐世宰相名猶不正初以三省長官中書
令侍中尚書令共議朝政此宰相職也其後以太宗嘗
為尚書令臣下避不敢居其職由是僕射為尚書省長
官與侍中中書令號為宰相品位既崇不欲輕授常以
它官居宰相而假以它官唐百官志張嘉貞天子欲用而忘
其名謂韋抗曰朕常記其風操而忘名因閱表疏遂得

其名

唐志

周勃為右丞相問勃一歲決獄幾何勃謝不知

問錢穀一歲出入幾何又謝不知上問陳平曰各有主

者上曰君主何事曰宰相者上佐天子理陰陽順四時

下遂萬物之宜外鎮四夷諸侯內撫百姓使卿大夫各

任其職

漢史

丙吉代魏相為丞相上寬大好禮讓掾吏有

罪賊不稱職終無所案驗

同上

蕭何薨曹參聞之告舍人

曰趣治行吾且入相使者果召參代何為相事無所變

更遵何之約束百姓歌之曰蕭何為法較若畫一曹參

代之守而勿失載其清靜民以寧謚

同

公孫弘為漢丞

相開東閣以招賢

漢書

漢制常以列侯為相唯公孫弘登

相位乃封為平津侯其後為故事

同

先主即帝位策亮

為丞相曰丞相其輔朕之闕助宣重光以昭明天下評

曰亮之為國也撫百姓示儀軌約官職從權制開誠心

布公道可謂識治之良才

漢記

隋高頴有文武之大畧明

達政務朝野傾仰識者以為真宰相

隋書

晉王導為丞相

桓彝見導觀其治事還謂周顗曰向見江左夷吾不復

憂矣晉傳張說與姚崇有隙崇病謂其子曰我死張說來

弔汝具陳吾生平服玩列于前如說屬目即舉以獻之
因以神道碑為請若得即模刻以示外此人見服玩若
不顧則吾族無遺類矣及崇死子如其言說來果屬目
焉去後即以獻之遂求所為文說許之故其碑曰一柱
承天高明之位列四時成歲亭毒之功深後說悔來索
則碑已橫刻矣說嘆曰死姚崇猶能算生張說後譖不
行張柬之姚崇為靈武軍使後詔舉外司可為相者

崇曰張柬之沉厚有謀能斷大事其人老惟亟用即日

召見拜同鳳閣鸞臺平章事

唐書

張九齡為相諤諤有大

臣節

上同

房杜當方為相時天下新定臺閣制度憲物率

二人討裁每議事帝所如晦長于斷而玄齡善謀二人

深相知故同心濟謀以左右帝當世語良相必曰房杜

上同

陸贄為相所言皆指帝短或規其太過對曰吾上不

負天子下不負所學

上同

唐玄宗命相皆先御書其名置

案上會太子入侍上舉金甌覆其名而告之曰此宰相

名也唐史房玄齡為相十五年以權寵隆極累表辭位帝

遣使謂曰遜誠美德也國家相眷賴久一日去卿如亡

左右手唐志唐廢帝欲擇宰相問于左右皆言盧文紀及

姚顗有人望廢帝因悉書清望官內琉璃瓶中夜焚香

祝天以筋挾之首得文紀欣然相之五代史

傳記秦悼武二年始置丞相官樛里疾與甘茂為左右

丞相史記陳又置相國位丞相上並為贈官自晉魏以來

宰相但以它官或闕不置間者自為尊崇之位多非其

人臣之職其真宰相者不必居此官也

通典

隋文帝自大

丞相後周遂置內史納言是為宰相亦有它官參與焉

同上

唐同中書門下三品及平章事知政事參知機務參

與政事及平章軍國重事之名是也

通典

武后龍朔元年

改侍中為左相中書令為右相尚書僕射為文昌後復

改易

同上

丞相王商國家之柱石臣也其人守正不詘節

前元
后傳

神龍元年大水宋務光上書今霖雨即閉坊門故

里人呼坊門為宰相謂能節宣風雨天工人代乃是虛

設

宋務光傳

唐自武德以來宰相寬厚以陸象先為標首詞

翰以姚元崇為標首詞學以張說為標首決遣以張義

正為標首

通鑑唐紀

太宗謂房玄齡曰公為僕射當廣朕耳

目助訪賢才比閱訟牒日數百豈暇求人哉乃勅細務

屬左右丞大關僕射

房玄齡傳

僕射裴遵慶母皇甫氏少時

常持經經函中有小珊瑚樹異時忽有小龍骨一具立

于側時人以為裴氏祥上元中遵慶遂居宰府

廣異記

每

元日冬至大朝百官已集而宰相方至珂傘列燭多至

數百炬謂之火城宰相火城至則衆皆滅燭以避之

李肇

國史補

集我愛房與杜魁然真宰相黃閣三十年清風億萬古

皮日休詩

大厦須異材廊廟非庸器

雜體詩

一戰文場拔趙旗

便調金鼎佐無為

王仁裕上傅相國

旱歲天教作霖雨明時帝

用補山龍

王建上張相

霖雨思賢佐丹青憶老臣應圖逢駿

馬驚代得麒麟沙汰江河濁調和鼎鼐新

杜詩

左轄頻虛

位今年得舊儒相門韋氏在漢臣頌經術

杜詩

十年紫殿

掌洪鈞出入三朝一品身文帝寵深陪雉尾武皇恩厚

宴龍津

李德裕

林館經春瑞氣浮當時曾約相車遊

白樂天

清如水玉重如山百辟嚴趨禮絕班強虜外聞應破膽

平人常見盡開顏

岑參

平生五色線願補舜衣裳

杜牧

上熙

陛下覆幬之恩下遂羣生性命之理以正百度以和四

時澄其源而清其流統于一而應于萬

為韋相表

假三事之

崇允萬夫之望故韓信以丞相擊魏樊噲以相國伐燕

克成茂功抑有前典

元達制

玉鼎昇黃閣金章謁紫宸

任師

古

本朝元祐初司馬公相乃請令三省合班奏事分省治
事自紹聖以後皆因之時議者謂門下相凡事既同進
呈則不應自駁以行之命是省審之不可廢也蔡京以
太師總領三省號公相廢尚書侍中中書令為左輔右
弼亦虛而不除改左右僕射仍兼兩省侍郎靖康中何
文鎮將拜相乃先為僕射吳正仲當制更為丞相不從
建炎三年呂元直初相議者請併三省乾道二年十二

月詔改左右僕射為左右丞相

會要

寇萊公當國真宗有

澶淵之幸而能左右天子不動如山却敵國保宗廟天

下謂之大忠

范文正公集

呂端為相持重識大體每奏對同

列多異議公罕所建明一日內出手札戒曰令中書事

必經呂端詳酌乃得聞奏

言行錄

呂蒙正為相遇事敢言

上嘉其無隱

長編

元祐元年司馬光言竊見文彥博沉敏

有謀畧知國家治體能斷大事功效顯著此天下所共

知也

同上

熙寧初富弼再相神宗首問邊事公曰臣愚以

為首當推恩惠布德澤二十年未可道著用兵二字上

問所當先如何公曰阜安字內為先

言行錄

王旦在相位

久外無疆場之虞兵革不用海內富實羣工百司各得

其職故天下稱為賢相

王旦傳

韓琦為相十年當仁宗末

朝廷多故公臨大節處危疑苟利國家知無不為故能

光輔三后大濟艱難坐置天下于大寧公之力也

言行錄

王曾毅然大節身係安危

事

朝廷有道青春好門館無

私白日長有官居鼎鼎無地起樓臺

魏野上冠萊公

風定曉園

蝴蝶開雨餘春圃桔槔閒

荆公詩

平章事

史杜祐拜檢校司空同中書門下平章事歲餘乞致仕
詔三五日一入中書平章政事祐每進見天子尊禮之
官而不名

公化

裴度太和四年詔進司徒平章軍國重事

三五日一入中書狀貌不踰中人而神觀奕邁操守堅

正善占對名震四夷

同貞觀

八年僕射李靖以疾辭位

詔疾小愈三兩日一至中書門下平章事平章之名蓋

始於此

百官志

宋璟罷帝欲用張嘉貞而忘其名夜詔韋

抗曰朕嘗記其風操今為北方大將姓張而復名嚮夜

半因觀文臣表奏而得其名遂以為平章事

張嘉貞傳

傳記裴冕肅宗至扶風召赴行在拜左相代宗立詔攝

冢牢固辭以疾乞間日入政事堂帝優之聽入閣不趨

為御小延英召對

本傳

鄭絳每以詩託諷中人有誦於上

前者昭宗意其有蘊未盡因有司上班簿遂署其名曰

可禮部侍郎同中書門下平章事

鄭絳傳

集金鉉重名銀章貴服

劉禹錫代
平章表

本朝元祐中置以文彥博太師呂公著守司空相繼為之序宰臣上所以處老成碩德特命以寵之也或稱平章軍國重事或稱同平章軍國事五日或兩日一朝非朝日不至都堂其後蔡京王黼以太師總三省事三旦一朝赴都堂治事開禧元年韓侂胄拜平章討論典禮乃以平章軍國事為名蓋省重事則所預者廣去同字則所任者專邊事起乃命一日一朝省印亦歸其第宰

相不復知印其後賈似道專權竊位日久尊崇日隆位

又在丞相上矣

職官志

參知政事

史魏文帝即位劉放孫攸轉為左右丞參掌機密評曰

劉放文翰孫攸勤謹並管喉舌權聞當時

三國志

後魏古

弼太武時為尚書令參知政事方欲奏除滅苑囿遇太

武與劉樹圍棋弼碎樹頭毆其背大武奇弼公直皆可

其奏以與百姓

通鑑

隋蘓威宇文述裴矩裴蘊盧世基參

掌朝政時人稱為五貴

蘇威傳

蘇威與高頴參掌朝政威

見宮中門銀為幔鈎因盛陳節儉之美以喻上上為改

容雕飾舊物悉命除毀

本傳

唐崔日用參機務制曰宜緝

台階之政

唐太宗詔令

唐魏徵知門下省事詔朝章國典參

議得失他日宴羣臣帝曰納忠諫正朕違為國家長利

徵而已雖古名臣亦何以加親解佩刀以賜

本傳

唐蕭瑀

復參預朝政帝曰武德季太上皇有廢立議瑀於爾時

不利益死懼社稷臣也因賜詩曰疾風知勁草板蕩

識忠臣又曰公守道耿介古無以過然善惡太明或有時而失瑀頓首謝曰既蒙教又許以忠亮雖死日猶生年也

本傳

魏徵與杜淹等以秘書監參預朝政上問徵與

諸葛亮孰賢

云

帝曰蹈履仁義以弼朕躬致之堯舜雖

亮無以抗

本傳

傳記唐魏徵字元誠貞觀三年以秘書監參預朝政于是帝即位四年歲斷死罪二十九幾致刑措米斗三錢天下大治蠻夷君長襲衣冠帶刀宿衛東薄海南踰嶺

戶閫不閉行旅不齎糧取給于道帝謂羣臣曰此徵勸

我行仁義之效矣

本傳

唐戴胄為吏部尚書參預朝政太

宗嘗謂羣臣戴胄于我無骨肉之親但其清直厲行情

深體國事有機要無不以聞所以官爵酬厥勞耳

本傳

魏

徵參預朝政帝曰人言徵舉動踈慢我見其嫵媚耳對

曰陛下導臣使言臣敢不數批逆鱗哉

本傳

唐薛稷遷黃

門侍郎參知機務與崔日用數爭事于帝前

本傳

唐楊師

道拜侍中參預朝政禮遇寵渥性周慎未嘗語禁省事

本傳

集春還上林苑花滿洛陽城

崔湜詩

黃樞萬物俾預討謨

楊億代謝表

俾參政論允叶羣心

溫公賜韓絳詔

雍容陪大政密勿

贊鴻鈞

唐詩

在朝但覺民瞻聳參政從知國勢高

出瓜圃

政

事資參決樞機賴典司

出德夫

顯奉宸綸寵參陪國論公

同上由君子之道以相天下則宜不為遠近易慮不以親

疎改施如天之無不疇而施之各以其命之所宜如地

之無不載而生之各以其性之所有彼常人之心區區

好忤而自私不恕已以及物者豈足以量之耶伏惟閣
下垂聽而念焉使天下士無復思古之君子而樂出乎
閣下之時而又使常人之觀閣下者不能量也豈非君
子之所願而樂焉者乎冒瀆威尊不任惶恐之至

臨溪先生

上曾參政書

欲餌金鉤深未達磻溪須問釣魚人

蒙正詩

本朝乾德二年太祖已相趙普畏其專將擇官以為副
而難其名稱召陶穀問曰下丞相一等為何官對曰唐
為參知機務參知政事今可用之遂命薛居正呂餘慶

為參知政事仍令不押班不知印不升政事堂止令就宣徽使廳上視事殿廷別設塼位於宰相後勅尾書銜降宰相數字月俸雜給半之蓋帝意未欲令居正等名與普齊也

會要

開寶六年詔參政薛居正等於都堂議公

事又詔中書門下押班知印宜令與居正等同知雍熙四年御史宣文德殿常朝百官皆有塼位唯參知政事未有詔令依位排砌至道元年詔參政與宰相分日知印押正衙其塼位先異宜合為一並得升都堂二年詔

自今參知政事不知印押班塲位列宰相後不升政事
堂然押勅齊銜行並馬至今不易參政行丞相事多不
踰年淳熙初葉孟錫龔實之行丞相近三年言者以為
懷私加俸許深甫為參政命陳勉之兼權又除袁起巖
蓋三員也亦國朝所未有嘉定初命雷季仲婁彥發樓
大防亦三員遂為故事

朝野
雜記

樞密院

史唐以宦官為之初不置司局但有屋三楹貯文書而

已其職掌惟承受表奏于內中進呈若人主有所分處

則宣付中書門下施行

呂源明家塾記

後梁革唐世宦官之弊

開平元年改樞密院為崇政院

分紀

其備顧問參謀議于

中則有之未始專行事于外也

五代史

晉天福中以桑維

翰知樞密院事四年廢樞密院以劉處謙兼樞密奏議

多不稱旨及處謙丁內憂遂廢院

同上

傳記唐莊宗同光元年復以崇政院為樞密院復唐樞

密之名然權侔于宰相矣後世因之遂分為二文事任

宰相武事任樞密樞密之名既重而宰相自此失其職

白乳
六帖

唐張居翰掖庭令張從政之養子同光中為樞密

偽蜀王衍既降詔遷其族于洛陽行及秦川時關東已
亂莊宗慮衍為變遣中官馳騎齎詔殺之詔王衍一行
並宜殺戮其詔已經書時居翰在密地覆視其詔乃措
去衍字改為家字及衍就戮于秦川驛止族其近屬而
已其偽官及從行者尚千餘人皆免其枉濫居翰力也

上同

集用禁林之老典溫省之務甫參籌于帷幄承班秩于

室家

胡文公行狀

仍冠中書

溫公集

日愧素餐疊蒙聖訓敢不

竭股肱之力

言行錄

北極之躔莞於神務二昉之府倚以

老成

賜張耒詔

本朝樞密院與中書對持文武二柄號為二府

會要

國初

循唐制即中書之北置樞密院元豐改制遂變於中書

西置

續會要

淳化三年復以張遜知院事顯德六年范質

王溥並參知樞密院事本朝亦有院樞密院但行東院

事印李綱知樞密院奏云祖宗法樞密院事掌兵籍虎

符

大 全

樞密使

史唐代宗永泰中置樞密使

唐書

晉復置樞密院以桑維

翰為使事無巨細一以委任之數月之間百度浸理

同上

莊宗朝郭崇韜為樞密使崇韜既位極人臣權兼內外

謀猷獻納必盡忠規內外翕然稱之

五代史

梁之崇政使

乃唐樞密之職蓋出納之任也至梁始用士人其備顧

問參謀議於中則有之未始專行事于外也至崇韜重
誨為之始復唐樞密之名然權倖宰相矣後世因之遂

分為二

安重
誨傳

傳記安重誨為樞密使在位六年以佐命功臣處機密
之任事無大小皆所參決

白孔
六帖

後唐樞密使兀東西院

二員

會
要

舊例樞密未帶使相省不宣麻至周太祖初潛

歷試是任乃宣制於公朝宣麻自周太祖始

續翰
林志

田況

拜樞密使天下顓顓視為宰相以望太平

言行
錄

集自贊襄於袞職宜總領於星樞

王元之行
王隨制

賜曾公亮

詔宜冠聯于樞省

王元
之集

賜孫固詔位登樞宥之冠

撫魏
公集

本朝樞密使國初首命趙韓王普焉號稱二府禮遇無

間每朝奏事共中書先後上所言兩不相知祖宗亦賴

此以聞異同用分宰相之權

會要

韓世忠除樞密使上謂

世忠曰朕付卿等以樞府本兵之權甚大卿宜合為一

心勿分彼此則兵利全而莫之能禦顧如烏珠者又何

足掃除乎

言行
錄

至道三年以鎮海節度曹彬兼侍中充

樞密使

上文彥博除樞密使制乃位冠於中樞

溫公集

樞密副使

傳記熙寧中韓澤遷樞密副使神宗問天下遺利公對求遺利莫若盡地力退具疏以謂害農之弊莫甚於差役請委從臺諫集議

言行錄

韓琦為樞密副使兩府合班

奏事琦必盡言雖屬中書琦亦對上陳其實同列尤不

悅上獨識之曰韓琦性直

同上

王文忠公堯臣為樞密副

使持法守正以身任天下事在位六年廢職脩舉皆有

條理

言行錄

歐陽公脩為樞密副使公在兵府與曾魯公

取天下兵數及三路屯戍多少地里遠近更為圖籍凡

邊防久闕屯戍者必加蒐補

長編

呂公著拜樞密副使初

自河陽入朝都人環觀相謂曰此公還朝百姓之幸也

至是士民相慶既受命出殿門武夫衛卒皆歡忭咨嘆

言行

錄

使相

本朝樞密使帶相印為樞相自後唐始

國朝會要

國初魏仁

浦以宰相兼樞密使後罷

同

慶曆二年二邊用兵富弼

言邊事係國安危國初范質王溥以宰相兼參知樞密

事今兵興宜令宰相兼領仁宗然之

揮塵錄

建炎四年以

宰相范宗尹兼知樞密院罷御營以其事歸樞密院

中興

會要

紹興二十五年詔曰比緣軍興令宰相兼樞密使典

掌機務今邊事已定可依祖宗故更不兼領

同

慶曆二

年上曰樞密非古官未欲遽改止令中書同議密院事

長編

惟仲淹弼一變一契天實賚予予其敢忽曰衍汝來

汝予黃髮汝掌樞府兵政無蹶

石介慶厯聖德詩

知院

史晉天福初桑維翰以翰林學士尚書禮部侍郎知樞密院知院之名始此

分紀

本朝國初不置淳化二年樞使王顯出鎮始以張遜知

樞密院事

續會要

知樞密院同知院並正二品知院掌佐

天子執兵政而同知院為之副凡邊防軍務常與三省分班稟奏事于體要則宰相執政官合奏

神宗正始職官志

李

詔為知樞密院事諂性明達周知世務佐樞府抑僥倖

號為稱職

東都事畧

李綱以右丞被命樞筦奏云伏蒙聖恩

除知樞密院事以被命鴻樞專統兵機宜得魁竒英偉

之人以居其任

傳信錄

同知

史周顯德六年命司徒平章范質禮部尚書王溥並參

知樞密院

五代史

本朝初不置淳化二年王顯出鎮張士遜知樞密院事

始以溫仲舒寇準同知院同知之名自此始也

會要

元豐

官制行廢使副存同知

職源

紹興中高宗以本兵之地事

權宜重依祖宗故事置樞密使而知院同知院亦仍舊

由是並除

本朝
稟記

向敏中同知樞密院明辨有才畧處事

敏速樞密之任專主謀議至于西北二邊道路斥堠走

集之所莫不周知

事畧

呂公著復同知樞密院神宗手詔

曰顧在廷之人有可以託中外腹心之寄均皇家休戚

之重無逾卿者可亟起視事

同上

元祐中趙瞻拜同知院

事制贊一人之休必資耆德握萬兵之本爰賴舊臣蓋知其要者可以應務而不窮久於事者可以臨機而無惑宜賴故臣贊翊洪樞

會要

簽書

本朝簽書無正員為使之貳

續會要

太平興國四年石熙

載以樞密直學士簽書院事簽書之名自此始也

職源景

德三年韓崇訓檢校太傅馬知節為檢校太保並簽樞密院事天禧四年以華州觀察使為宣徽北院使鎮國

軍留後簽書樞密院事簽書兼藩鎮自此始也

會要

馮拯

簽書樞密院事真宗訪以邊事拯謂備邊之要當須扼

襟喉據險隘以制敵之衝若於保州威虜間依徐河以

布陳裹糧其勢足以決勝

事畧

太平興國四年石元懿始

以樞密直學士簽書院事

退朝錄

同簽

本朝樞密院舊制無同簽書樞密院事者治平中始有

以郭逵為之

神宗正史職官志

元豐官制行使副簽書並罷惟

存同

職知源

太平興國八年張司空齊賢王公沔並以諫

議大夫同簽書樞密院事

退朝錄

簽書大抵以處資淺之

人若簽書一經親祠方進同知及樞副若武臣擢預國

政只除同簽書

職源

承旨

本朝熙寧五年以尚書比部員外郎曾孝寬充史館脩

撰兼都承旨文館兼領自孝寬始

續會要

劉安世作都承

旨待制范相純仁之出由安世草疏已而復拜呂相大

防遂擬安世真定宣仁難之呂云劉安世曾言范純仁

今既復用宜少避之宣仁曰今既不作言事官自不相

妨

言行錄

每崇政殿臨決庶務則承旨侍立殿前侍衛司

奏事則承旨受而讀之

會要

右府管天下之機務而承旨

左右參總焉

除張誠一制

陪輔帷幄以承密旨

除劉奉臣制

樞機

之地親承密旨雖在副介亦須得人

檢詳

本朝檢詳之職古無之國初熙寧四年詔以編脩經武

要畧官四人王存陳侂陳奉世蘓液檢詳樞密院諸房

文字禮遇視中書檢正官元豐三年詔定置三員及改

官制檢詳官尋罷

續會要

乾道二年詔樞密檢詳係掌朝

廷機要文字不許出謁賓客

會要

呂大忠檢詳樞密院吏

兵房文字令典義勇樞機大忠言養兵猥衆國用日匱

漢之屯田唐之府兵善法也弓箭手近于屯田義勇近

于府兵擇用一焉兵屯可省矣

事畧

紹興三十一年完顏

亮渝盟時洪文敏公邁任樞密院檢詳宰相傳旨令撰

書詔榜檄

家傳

編脩官

本朝編脩之職古無之慶歷四年史館王洙承旨單士

寧編脩例冊編脩之名自此始

分紀

熙寧三年以館職王

存顧臨等同編經武要畧兼刪定諸房例冊

中興會要

王鉉

權樞密院編脩纂集祖宗兵制書成上覽之稱善命改

京官賜名樞廷備檢

中興條年錄

編脩官隨事置無定員以

本院官兼者不入銜

四朝志

神宗朝除周萃樞密院編脩

官制曰樞密之府自祖宗以來防患持危應變之大計與夫將相議論之臣密謀要策皆具于此而文書貿亂淆雜而無紀綱故擇能臣次第之

荆公文集

尚書省

史漢靈帝時謂之中臺唐龍朔二年改尚書省為中臺

漢書

北齊尚書省謂之都省亦謂之北省

張安世拜大

司馬車騎將軍領尚書事職典樞機以謹慎周密而自

著張禹錄尚書每朝會與三公絕席

前漢書

章帝以太傅

趙熹太尉牟融錄尚書事尚書有錄自熹始漢制遂以

為常

後漢書

唐制尚書省都堂居中左右分于司堂東西

凡二十四司分曹共理

唐書

尚書百官之本國家樞機李

固疏北斗天之樞機尚書為陛下之樞機晉宗室會稽王道子及世子元顯並錄尚書事時道子為東錄元顯

為西錄

通志

本朝太平興國中徙于利仁坊孟昶舊第頗為宏麗中設都堂左右司左右丞郎中員外郎廳東西廊分設尚

書侍郎廳事二郎中員外廳事六掌施行判命舉省內
綱紀程式受付六曹文書聽內外辭訴奏御史失職考
百官府之治以詔廢置賞罰紹聖二年詔在京官所受
傳宣內降隨事申尚書省又詔尚都省彈奏監察御史
糾不當者

通考

尚書令

史尚書令一人正二品掌典領百官其制有六尚書

百官

志後漢衆務悉歸尚書三公但受成事而已尚書令主

贊奏事總領紀綱無所不統與司隸校尉御史中丞朝會皆專席而坐京師號曰三獨坐故公為令僕射者朝會不陞奏事天子封禪則尚書令奉玉牒檢兼藏封之

禮

通考

傳記武德中太宗初為秦王嘗親其職儀刑端揆

唐六典

郭子儀至自涇陽恩賚崇縟進拜尚書令懇辭不聽詔趨詣省視事百官往慶勅射士五百騎執戟寵衛子儀確讓且言太宗嘗踐此官故累聖曠而不置皇太子為

雍王定關東乃得授渠可畏私孝臣臆大典

云

帝不獲

已許之其所讓付史館

六帖

漢侯霸為尚書令時朝廷少

舊臣霸明習故事收錄遺文

大全

集總百揆之得失管王政之開闢出納王命敷奏萬機

屬職萬機總任百揆

邢子才謝表

邦國政治蓋出于中樞

朝廷紀綱盡歸于會府

除王時制

本朝淳化三年升在三師上掌佐天子議大政奉所出
命令而行之其屬有六曹凡庶務皆命而決之凡官府

之紀綱程式無不總焉大事三省通議則同執政官合
班小事尚書省獨議則同僕射丞分班論奏若事由中
書門下而有失當應奏者亦如之

通考

左右僕射

史秦官漢因之自侍中尚書博士郎皆有之古者重武
官有土射以督課成帝建始元年初置尚書五人以一
人為僕射主封門掌授廩假錢穀 龍朔二年改左右
僕射曰左右匡政光宅元年曰文昌左右相開元年曰

左右丞相天寶元年復

百官志

徐宣左僕射加侍中車駕

幸許昌宣總留事帝還主司奏呈文書帝曰吾與僕射

何異也

魏志

房玄齡進尚書左僕射帝曰公為僕射當助

朕廣耳目訪賢才比聞閱牒訟日數百豈暇求人哉乃

勅細務屬左右丞大事關僕射

唐書

杜如晦進位尚書右

僕射仍領選與房玄齡共筦朝政引士賢者下不肖咸

得職當時浩然歸重

同上

傳記建安中以執金吾榮邵為尚書左僕射僕射有左

右自此始也

百官表

王常為左僕射常墮車時人謂之墮

車僕射周顥為左僕射深識危亂常飲酒醉三日不醒

時人謂之三日僕射

世說

裴遵度以右僕射後知選事朝

廷優其老聽就第注官時以為榮

列傳

李絳寶歷初拜尚

書左僕射絳偉儀質俊以直道進退望冠于一時賢不

肖大分屢為讒邪所中

同

裴均元和三年入為尚書右

僕射上日唱授按送印皆尚書郎為之文武四品五品

郎官御史拜廷下御史中丞左右丞升階答拜時以為

禮太重

官志

集端揆之司樞機之重 尚書令總領衆務舉持綱目

僕射貳之誠為崇重

天寶元年議

本朝制左右僕射掌佐天子議大政二令之職與三省
長官皆為宰相之任元豐官制行不置侍中中書令以
左僕射兼門下侍郎右僕射兼中書侍郎行侍中中書

令職事寄祿為時進

通考

中書令

史中書省令二人正二品佐天子執大政而總判省事

百官志

隋中書令為侍中知政事遂為宰相之職

隋書

唐開

元改紫薇令

唐書

高允為中書令魏文帝重之不名稱為

令公

魏史

房玄齡太宗即位為中書令第功班賞以如晦

等功第一餘皆以次叙封拜

唐書

郭子儀為中書令二十

四考以身為天下安危 張九齡為中書令時天長節

百官多獻珍異惟九齡進金鏡錄五卷

同上

傳記晉和嶠為令荀勗為監不同居嶠嫉勗邪詔先登

車席而坐不容勗又乃引備車監令異車自此始也

吳隲為中書令父亮為尚書令每朝會帝以雲母屏風

隔其坐也

錄記

薛元超帝嘗宴諸王召元超與從容謂曰

任卿中書寧藉多人哉議拜中書令

唐紀

長孫無忌檢校

中書令猶知門下省帝欲立昭儀為后無忌固言不可

同上

本朝國初官制未定異姓未有兼中書令者太祖太宗時加中書令者惟趙普一人普加中書令再四懇辭上

手詔曰開國舊勳惟卿一人毋自固避 中書省正一

品以檢校官兼中書令謂之使相

並國史

中書舍人

史魏置中書通事舍人東晉省以中書侍郎一人直西省即侍郎兼其職而掌其詔命 傅昭為中書通事舍

人時居此職者皆權傾天下獨昭廉靜無所干預器服率陋帝聞之賜漆合燭盤勅曰卿有古風故賜以古物

南史商馮為中書舍人列上玉事

唐史

虞世南拜內史舍人

柳顧博學罕所推許至是與世南相見嘆曰海內當共

推此一人

同上

傳記漢尚書郎直宿建禮門奏事明光殿下筆為詔誥

出語為誥令乃今中書舍人也

通典

唐武德三年改中書

舍人置六員自永淳以來天下文章道德臺閣髦彥無

不以文章達故中書舍人為文士之極任朝廷之盛選

諸官莫比焉

通典

唐楊綰為中書舍人故事舍人年久者

為閣老其公廨雜料獨取五之四綰悉均給之

本傳魏魏

收兼中舍與溫子升邢子才齊譽世稱三才

同上

集絲綸閣下文章靜鐘鼓樓中刻漏長獨坐黃昏誰是

伴紫薇花對紫薇郎

白居易詩

西掖重雲關禁置北山踈雨

點朝衣千門柳色連烟鎖三殿花香入紫薇

岑參

西掖深

沉大帝居紫薇西省掌文書天堦啓鑰趨朝後侍史焚

香起草初

古詩上李舍人

綠松憲對鳳池開履跡衣香遍上台

天意皆從紫毫出宸心盡向紫烟來非時玉案呈宣旨

每日金堦謝賜回

王建詩

今年寒食夜西省鳳池頭誠知

視草貴未免對花愁

白居易詩

本朝中書舍人為所遷官實不任職復置知制誥及直

舍人院故事入西閣皆中書召試制誥三篇惟梁周翰

不召試而授焉其後薛映梁鼎楊億陳堯佐歐陽修亦

如此例

長編

元豐五年曾鞏陸佃並試中書舍人自是始

正官名

續會要

中書侍郎

史侍郎二人正三品掌貳令之職朝廷大政參政焉

百官

志

于志寧為中書侍郎太宗常宴近臣問志寧豫宴安

在有司奏勅召三品志寧品第四帝悟特詔豫宴 裴

潛風神高邁為中書侍郎出入禁門見者皆肅然改容

王琚始為中書侍郎母居洛陽來京師讓琚曰爾家

上世皆州縣職今汝無攻城野戰勞以詔佞取容海內

切齒吾恐汝家墳墓無人復掃除也琚卒不免

並列傳

傳記魏明帝詔舉中書侍郎為吏部尚書盧毓曰得人

與不廬生耳舉選莫取名名如畫作餅不可啖毓舉韓

暨敦篤至行帝乃用之劉禕之擢中書侍郎同三品是時詔令叢繁禕之思致華敏裁可占授少選可待也

列傳

本朝宋制侍郎掌貳令之職參議大政授所宜詔旨而奉行之官制行以尚書右僕射兼又別置侍郎以代參知政事建炎初復改侍郎為參政

續會要

記纂淵海卷二十六